

1473.

49

werken, die der gheskien; dat hebben de voerscr. provest unde keller to der tijt annamet²⁾) unde ghelovet tho holden unde dat to bestellen deme zo scheghe zo vorscr. is. Des hebben de Boldingher vorscr. weder ghelovet mit handen unde mit monden zee unde eere erven deme cloester vorscr. stede unde vaste waren to wesen der moer vorscr. vor se unde eere erven, voer boeren unde ongheboeren unde voer alle de ghene, de det willen do doen hebben sonder aller argelist unde behenden toghen. Desser fruntlike scheid unde slete vorscr. voer my vorscr. is ghesceen weren an unde over to ghesceed Dedde Mering, Haye Dudinghe, Remmer syn broeder. Dessen to meerre tuychnisse unde bevestinghe der waerheit, zo hebbe her Ageld vorsc. myn inghesegel witten ghehangen nedden an dessen brief. Datum et actum anno Domini M^o ut supra etc. —

948.*Testament des Lubbo Onken zu Knyphausen.*

Abschrift Saec. XVI. im Grossherzgl. Archive zu Oldenburg.

26. April 1475.

In den nahmen Gades. So als de meinsche ist ein redelick creatur van Gade geschapen, darumme ist dat ock woll redelick, dat de mensche kenne und hebbe thoflucht tho deme ghenne alletidt, de ehm sele und liff geven heft, und sunderges ihn sinen latesten kranckheit. Dat ick Lubbe Onneken tho Knipense all betrachtet hebbe in miner kranckheit und hebbe min testament geordinert und settet mit beraden mode ihn fuller macht miner conscientien, als ick dat allernuttet unde orberst betrachten konde tho miner sele salicheit, und hebbe vorder testamentores gekoren, den erbaren minen leven ohem, juncker Eden, unde de werdigen herrn her Tiade tho Sillenstede, her Lubbe tho Ackum minen kerckherrn und min bichtvader gewest heft, her Lubbe tho Inssmerhove ¹⁾, her Arendt tho Federwerde kerckhern, und will dat so geholden hebben unvorbroken sunder jenigerley gefehrde van minen kindern, haussfrouwe, frunden und frembden ihn wise nabeschreven, dat geseth is des mitwekens vor Philippi et Jacobi der hilligen apostell, in deme jahre na der boert Christi unsers Herrn dusent veerhundert ihn deme viff und soventichsten jahre, ihn jegenwardicheit veler guder loeffsamer lude. — In dat erste, so scholen mine kinder dat erve deelen in Butyaden und ihn Stadtlende; sunder 2 juck geve ick tho Langewerden, und 2 juck tho Rodenkercken in de kercken. Item als mi hebben gegeven Tiade Enstes und Luderd Oman den heert tho Knipense, so geve ick minen sohne lken de borch und den herdt mit ander erveguder, dat ick brukende bin, dat sy wor dat idt sy, lickende und alle ander guder bewegen und unbewegen; behalve uth dem erve und guder geve ick Sybet mines sonen kindt en huserve tho Senenwerde, dat Haye Scholer bruckende ist; item Renelt sin suster hundert gulden ahn smide und an ander gude; item so geve ick juncker Eden minen ohem den groten pagen

²⁾ Kop. annameert.**948.** ¹⁾ = jetzt Nieende.